

PRAKTISAL BERGAYA

IMPIANA

EDISI BUMPER TAHUN BARU!

15
tahun
IMPIANA GEMILANG

Hello 2015!
HIAS
KEDIAMANMU
TANPA HENTI

FOKUS
Aksesori Kamar Mandi
Wajib Tahu

Cantik
Menarik Tertarik

228
AKSESORI BARU

My Favourite Spot!
BAJET RUANG
TAMU SERENDAH
RM5,000

TREND + TIP
DEKORASI 2015
12 PEREKA
PROFESIONAL
SINGKAP
RAHSIA

SEM. M'SIA RM 12.50
ISSN 1675-0403
9 771675 0403 31
JAN 2015

IMPIANA



Hello 2015!
HIAS
KEDIAMANMU
TANPA HENTI

EDISI BUMPER TAHUN BARU!

FOKUS
Aksesori Kamar Mandi
Wajib Tahu

Cantik
Menarik Tertarik

228
AKSESORI BARU

My Favourite Spot!
BAJET RUANG
TAMU SERENDAH
RM5,000

TREND + TIP
DEKORASI 2015
12 PEREKA
PROFESIONAL
SINGKAP
RAHSIA

Bohemian Luxury Villa N°174

INTEPRETASI DEKORASI & FESYEN



Sentuhan Bohemia mewah yang dipersembahkan pereka Srdjan Prodanovic begitu segar malah menggambarkan sisi keghairahannya dalam seni dekorasi. Tatkala menatap gambar hasil penataannya satu-persatu, penulis begitu tertarik untuk mengenalinya dengan lebih dekat. Dambaan pencinta dekorasi tegar ini untuk berkongsi idea bersama pembaca majalah IMPIANA di Malaysia terlaksana akhirnya sebagai pembuka tirai tahun 2015.

PENULIS: WATI AB'LLAH FOTOGRAFI: KOLEKSI SRDJAN PRODANOVIC, RIO DE JANEIRO, BRAZIL.

BERTEMPAT DI RIO DE JANEIRO, butik hotel yang menerima sentuhan keramat Srdjan Prodanovic begitu mencuri tumpuan umum yang ingin menikmati penginapan di bumi Brazil. Apa yang menarik, pada asalnya butik hotel ini merupakan rumah besar lama tetapi telah diubahsuai menjadi sebuah tempat menginap yang penuh gaya. Terdiri daripada empat unit *suites* yang direka unik, setiap satunya membangkitkan aspek nan berbeza tetapi tetap mengekalkan 'perisa' Brazil.

Srdjan Prodanovic; sebelum ini merupakan seorang pegawai penerbitan di rumah fesyen *high-end* Emanuel Ungaro dan Giambattista Valli. Selain bakat semula jadi serta mempunyai cita rasa hebat dalam dunia dekorasi, pastinya beliau menimba pengalaman yang sangat berharga sewaktu bertugas di rumah fesyen. Inilah kelebihan Srdjan Prodanovic yang begitu mencintai dunia hiasan dalaman.



KARISMA DEKORASI & FESYEN

Sesungguhnya Srdjan Prodanovic telah menemui perabot yang diidamkannya di kedai-kedai perabot vintaj. Bagi mencipta impak tersendiri, beliau telah menghantar perabot-perabot tersebut kepada artisan untuk diperbaharui dengan menggunakan fabrik dari Itali yang halus buatannya. Inilah cara beliau berkarya! Merubah wajah kediaman lama menjadi butik hotel yang dikagumi ramai.

Hasil daripada transformasi ini maka terhasillah sebuah vila mikrokosme yang berkonsep Rio Moden dengan peng gayaan Eklektik. Bagi melengkapkan lagi penataan, Srdjan Prodanovic memilih lukisan dari Eropah Timur serta beberapa item yang bercirikan Kolonial. Ia sedikit sebanyak mencerminkan cita rasa antarabangsa di mana perlambangan sesebuah bandar nan agung cuba diadaptasi ke dalam riasannya.

Menariknya lagi tentang butik hotel yang berkeluasan lebih kurang 6,000 kaki persegi ini, ia turut dijadikan sebagai lokasi untuk menghimpunkan beberapa individu dan kumpulan berpengaruh untuk mengadakan aktiviti di sini. Pastinya Srdjan Prodanovic memilih nombor 174 bersempena dengan nombor butik hotel. Inspirasi ini terhasil daripada *Villa N°174* itu sendiri di mana nombor tersebut dijadikan penanda aras untuk sebarang aktiviti yang akan dijalankan di sini.

Bermula dengan media antarabangsa, Srdjan Prodanovic membuka pintu vilanya untuk 174 pereka fesyen untuk bekerjasama dengannya mengadakan pertunjukan fesyen di sini, 174 para pentafsir fesyen global, 174 kumpulan ilmuwan serta 174 pemain utama industri seperti pereka, penata gaya, wartawan, pegawai perhubungan awam, jurugambar, peragawati, penata gaya rambut, jurusolek, peruncit serta sosialis.

Menurut Srdjan Prodanovic, *Villa N°174* begitu sesuai dijadikan tempat berkumpul sesama teman-teman istimewa atau keluarga besar yang ingin merasai percutian di Rio de Janeiro. Bukan sekadar butik hotel semata-mata, ia juga merupakan kediaman di daerah Santa Teresa yang unik di mana di kawasan ini masih wujudnya pemuzik dan penyair jalanan yang begitu berbakat. Sebelum aktiviti tempatan mereka lenyap ditelan arus kemodenan, apa kata bercuti ke Brazil dan senaraikan *Villa N°174* di antara butik hotel pilihan untuk anda mengingati.




IDEA SRDJAN PRODANOVIC MENTRANSFORMASI VILA MENJADI HOTEL BUTIK SECARA TIDAK LANGSUNG MENJADIKAN WAJAH KEDIAMAN INI KELIHATAN MEWAH. TERDAPAT BEBERAPA PERABOT YANG DIBELI DI KEDAI VINTAJ DAN DIPERBAHARUI DENGAN MENGGUNAKAN FABRIK TERPILIH DARI ITALI.



JATUH CINTA DI BUMI BRAZILI BALKONI YANG BERKELUASAN LEBIH KURANG 15 KAKI X 7 KAKI INI BETUL-BETUL MENGHADAP KE ARAH KAWASAN PEMBANGUNAN PESAT YANG DIPENUHI BANGUNAN BERTINGKAT. LEBIH MENARIK, RUANG BALKONI INI MENEMPAH LIMPAPAN CAHAYA MATAHARI SECARA LANGSUNG!





'BERSENTUHAN' DENGAN ALAM SEMULA JADI!
KEAGUNGAN AMAZON DITITIPKAN PADA PENATAAN KOLAM RENANG DI THE POOL SUITE INI. PERHATIKAN PEMILIHAN JUBIN LANTAI DI BIRAI KOLAM RENANG YANG BERLAINAN CORAK DAN DISUSUN SECARA BERULANG. MUNGKIN IDEA SEBEGINI BOLEH DIAPLIKASI DI KOLAM RENANG KEDAMIAN ANDA.



IMPIAN MENCIPTA SESUATU YANG SANGAT BERBEZA DI RUANG SANTAI EKSTERIOR INI TELAH MERUBAH 'RUPA PARAS' MEMBOSANKAN KEPADA SUASANA CERIA. PILIHAN WARNA-WARNA TERANG TELAH MEMBERI IMPAK BOLD AND BEAUTIFUL MALAH MENCIPTA PESONA TERSENDIRI DI RUANG YANG BERHAMPIRAN DENGAN KOLAM RENANG INI.



SRDJAN PRODANOVIC





SRDJAN PRODANOVIC MEREKA BENTUK DAN MENATA HIAS THE GEOMETRIC SUITES DENGAN SENTUHAN BERBEZA TETAPI MASIH MENGEKALKAN ESEN BRAZIL. PASTINYA, KEEMPAT-EMPAT BILIK PUNYAI KEISTIMEWAAN TERSENDIRI.



GAMBAR TENGAH: BAWALAH DAKU TERBANG JAUH KE BUMI BRAZIL AGAR DAPAT MERASAI NIKMAT BERMALAM DI SINI. SALAH SEBUAH BILIK TIDUR YANG DIDOMINASI WARNA BUMI NAN SEGAR SEDIA MENANTI KEHADIRAN TETAMU YANG MENDAMBAKAN SUASANA DAMAI SERTA MENENANGKAN.



PASTINYA DIRI MEMERLUKAN SUITE YANG SELESA SAAT KEMBARA KE LUAR NEGARA. TEPIS AMALAN KLISE BAHAWA ANDA TERPAKSA BERJIMAT TANPA MEMPERUNTUKKAN PENGINAPAN SELESA TATKALA MELANCONG. BERI DIRI ANDA PELUANG UNTUK MENIKMATI INAPAN LUAS, SELESA SERTA BERBALOI DENGAN NILAI WANG.

RUANG TAMU YANG TERDAPAT DI DALAM SUITE INI.



GAMBAR BAWAH: MELALUI PENATAAN DI SUITE YANG BERKELUASAN AGAK TERHAD INI, JELAS TERGAMBAR AKAN IDEA, KESUNGGUHAN DAN MINAT YANG MENDALAM SRDJAN PRODANOVIC DALAM DUNIA HIASAN DALAMAN DAN JUGA EVOLUSI GAYANYA NAN TERSENDIRI.

